

Далън Востокд америкин зад татлгъна ѳмнӕс

США-н Президент Д. Эйзенхауэрт илгӕсн СССР-н Министрмӱдин Советин Ахлач ӱр Н. С. Хрущевин илгӕвриг Советск улс нег дуугъар дӱнънджӕнӕ

Американск империалистр Далън Востокд зад татджах ѳовдлиг советск олн-ӕмтн нег мӱслдж бурушаджана. Цуг орн-нутгар хург, митингс бол а д. тедндӕн кӱч-кӱлсчнр США-н президент Д. Эйзенхауэрт илгӕсн СССР-н Министрмӱдин Советин Ахлач ӱр Н. С. Хрущевин илгӕвриг нег дуугъар дӱнъндж, китдин олн-ӕмтнӕ ах-дӱ болм нег хӕлӕцтӕгъӕн медӱлцхӕв.

«Калибр» гидг московск заводт олн кӱн хурсн митинг болв. Заводин коллектив нег дуугъар авсн резолюцдан иигдж герчлв:

— Бидн митингд ирхӕӕрн, Вашингтона зергст, теднӕ кеджӕх тоотинь тоолвр уга ѳовдл гидж келхӕр хурвдн. Президент Эйзенхауэрт илгӕсн СССР-н Министрмӱдин Советин Ахлач ӱр Н. С. Хрущевин илгӕвриг бидн нег дуугъар дӱнънджӕнӕвдн, юнъгад гихлӕ, ӱр Хрущев терӱндӕн мана орн-нутгла, хоша бӕӕх болцад, ниич Китдин Олн-ӕмтнӕ республикӱр кесн дӕврлт, йил-

гъл уга Советск Союзур кесн дӕврлт — гидж тодрагъгар болн илӕр хӱрдж келв. Эврӕннъ ӕрӱн кергтӕн итксн мана орн-нутг, олн-ӕмтнӕ Китдлӕ хамдан Далън Востокд тӱвкнлт тетксн кергт, нарт делкӕд тӱвкнӱн бӕӕхин тӱлӕ кӱчӕн хармншго.

Бурушагч митингс Московск трансформаторн заводт, малолитражн автомобилъск кедг заводт, Краснохолмск комвольн комбинатд болн хотл балгъсна нань чигн предприятъст болв.

США-н зад татгч ѳовдлинъ, хургудтан болн митингстӕн Украинск ССР-н кӱдлмшчнр болн колхозникуд, механизатормӱд болн церглӕчнр, наукин болн культурин ӱӱлдӕчнр ѳшрдж бурушаджана.

Киевин ик предприятъсин негнд — 1918 джилн январск бослгъна нертӕ, вагод ясдг заводт цуг коллективин митинг болв.

— Цуг советск олн-ӕмтн США-н президент Эйзенхауэрт илгӕсн СССР-н Министрмӱ-

дин Советин Ахлач Н. С. Хрущевин илгӕвриг халунар дӱнънджӕнӕ — гидж заводин парт организацин сеглӕтр Г. И. Исаев герчлв. Украинӕ кӱч-кӱлсчнр, цуг Советск Союзин кӱч-кӱлсчнр мет, ах-дӱ болгч Китдлӕ кезӕдчн хамдан билӕ, хамдан бӕӕнӕ, хамдан бӕӕхнъ чигн лавта гидж нег мӱслдж герчлджӕнӕвдн. Керм ш и н дӕӕнӕ галв екхл, тиим галзу политикс болн стратегс гархла, теднд номгърулгч киилг ӱмскхд Китдин болвчн, Советск болвчн олн-ӕмтнӕ чидлнъ тав кӱрх.

Нег дуугъар авсн резолюцдан вагод ясдг заводин коллектив, американск империалистрин дӕврч ѳовдлиннъ ичринъ бардж, США-н дӕӕнӕ кӱчнъ Тайванӕс болн Тайванск проливӕс гартха гидж нег мӱслдж некджӕнӕ.

Далън Востокд американциг зад татлгъинг бурушаджах митинг Ленинградин, Ригин, болн орн-нутгин наадк балгъсдин кесг предприятъсар болв (ТАСС).